

اشتراک برلی

عثمانی مملکتی ایچون :
ییلغی بر بوچوق لیرا

آجینجی مملکتی ایچون :
ییلغی ۳۳ مارق - ۴۰ قرالغ

دانه سی ۳ غروش

پیل ۲ صایی ۴۹

اقتصادی

مجموعه سی

خالد

علمی و عملی هر نوع اقتصادی مسئله لر دن بحث ایدر و هر پر شنبه کونی چیقار .

اداره بخانه : استانبول ، سلطان حمای - معقولیان خانی

اعلان برلی

برد قعه لق هر سطر ایچون :
یکرمی غروش

سنة ۱۰۰۰ اعلان ایچون
آیر یجه آ کلاشیلیر

۱۵ مارت ۱۳۳۳

یوقاریده کی رقلره نظر آ زراع باشنه یالکیز آلی دونم اصابت ایدیور .

نسبتک آزلغنی تقدیر ایدمه بیلیمک ایچون آلمانیا مقیاس اتخاذا ایدمه میز . چونکه اوراده اصول کشفه نك حد اعظمیسی تطبیق اولونیور . زراع جوق اراضی ایشتمکک چالشمز آ ز اراضیدن وسائط فیه ایله جوق محصول بتشدیرمک جهته صرف غیرت ایدر . انگلتره ، ایرلندا و آمریقای شمالیده فلاحت عظیمه اصولی غالب اولدینی ایچون نفوس باشنه اصابت ایدن اراضی مزروعه بالطبع نسه پک جوق اولور . بزه آ ز جوق قابل قیاس اوله بیلیمک مملکت یالکیز مجارستاندر . مجارستانده فلاحت عظیمه نك نسبتی بزدن پک اوزاق اولدینی کبی اصول زراعتک کثافتی ده هنوز اودرجه ترقی ایتمه مشدر . زراعتک ترقی ویا تدبیرنه ایقاع تاثیر ایدمه بیلیم عوامل وعناصره دخی آ ز جوق مشابیهت واردر . او حالده دیمک اولورکه صوک زمانلرده مملکت مزده مشهود اولان ابتاه اقتصادی سایه سنده زراعتک اسباب ترقیسی تأمینه موفق اولورسه ق مجارستانده اولدینی وجهله بزدن دخی برقاچ سنه ظرفنده نفوس باشنه «آلی دونم» یرینه «۳۴» دونم مزروع اراضی اصابت ایتمه سی پک بعید الاحمال دکدر . بش اون سنه ظرفنده بوتیجه به وارمه صرف غیرت ایدر سه ک خیال آرقه سنده قوشمش اوله یز . او حالده دیمک اولورکه بویوک بویوک انقلابلره عرض افتقار ایتمه دن اراضی مزروعه مزنی تخمیناً آلی مثل تزید ایتیمک درجه استطاعتیمک فوقنده دکدر .

۳) مزروع اراضیمک ویردیکی محصوللری نظر تدقیقندن کچیریرسه ک ینه عینی نتیجه لره واریرز . دیگر بر مقاله مزده ممالک سائر ایله بر مقایسه یاهرق استحصالات زراعیه مزنی دها برقاچ مثل آتیرمق ممکن اولدینی اراؤه واثبات ایتشدک . شمدی ارتق بو اداها مزنی کندی مملکتیمزه قیاس ایله اثبات ایدمه بیلیمک ارقام رسمیه الله ایتدی کمزدن بشقه اقلیملره ، بشقه طوپراقلره ، بشقه آدملره ، بشقه شرائط استحصالیله ایله مقایسه یایمغه لزوم قالمه مشدر . هیئت تحریریه مزندن نافعیه مدیر عمومیسی سلیمان سری پک طرفندن صوک نسخه مزده «قونییه اوواستک ارواسندن شمدی به قدر استحصالات اولنان و بوندن صوکره حصوله کله جک اولان فوائد» حقه نه نشر ایدیلن مقاله سنده مندرج رسمی ارقام و معلومات کوره اووا ایدیلن قونییه اوواستک ۳۲۹ سنه سنده محصولک هیئت عمومیسی اعتباریله بره ۴۰۷ بغدادی بره ۵۰۸ نسبتنده آره استحصالات اولنمشدر . ینه اسقا ساجه سی داخلنده یعنی عینی اراضیده ۳۳۲ سنه سنده لوازمات عسکریه اداره سی ایکی بیک اوچیوز

طقسان ایکی دونم اوزرینه اوتوز آلی بیک کیلو غرام بغدادی ، بیک بشیوز یتیم سکر دونم اوزرینه یکریم بیک ، ایکی یوز یتیم سکر کیلو آره ویدی یوز دونم اوزرینه بیشیک طقسان کیلو نخود و بشیوز آلتش دونم اوزرینه ایکی بیک یدیوز سکسان بش کیلو مصر ویوز دونم اوزرینه ۴۰۸ کیلو فصولیه و ۸۲۰ دونم اوزرینه ۸۱۷ کیلو پتاس ۱ کتش و شو متنوع محصول میاننده بغدادی و آره بره اون بش نسبتنده محصولات ویرمشدر که کویلی طرفندن آلتان محصولک تقریباً اوچ ییجی مثلی فضله در .

او حالده دیمک اولورکه کویلی طرفندن دخی زراعت ، فته موافق اوله رق وسائط جدیدله اجرا اولورسه استحصالات ملیه بوکونکی به نسبتله اوچ درت مثل فضله تزیاد ایدمه بیلیم . سالف الذکر ارقامدن استحصالات ایدیه بیلیمک نتیجه لر پک ساده در . بوکونکی نفوسی آتیرمه دن ، حیات اقتصادی مزده درین درین انقلابلر یایمغه لزوم کورمه دن یالکیز وسائط نقلیه و استحصالیله یی بر درجه به قدر اصلاح ایتیمک صورتیله زراعت سایه سنده استحصالات ملیه مزنی ۱۵-۱۲ مثل درجه سنده آتیرمق قابلدر . بونلری درپیش تأمل ایدر سه ک مالیه ناظر محترمک مجلس اعیانده ایراد ایتدیکی نطقده مملکتیمزک بش اون سنه ظرفنده بوتون بورجلرخی اوده به بیلیمک بر درجه ترقی به مظهر اوله بیلیمک جکنی اعلان ایتیمک صورتیله اوده دنبری معروف اولان لایتنرل نیکی نلکنی بردها و بحران عمومی حاضره رغماً تا کید ایتیمک خصوصنده نه قدر حقلی اولدینی کال وضوح و قطعیتله مرئیه نبوته واریر .

مجارستانده اعتبار زراعی مسئله سی

زراعت باقعه سی مدیر عمومی معاوی

اسماعیل رفیعی

«معلومات عمومییه»

مجارستان بعض جهتلردن رومانیایه مشاهدیر . اراضیسی مساحه سطحیه جه اونک اوچ مثلی قدر بویوک و نفوسی دخی اواسبتنده زیاده اولقله برابر مختلف ملتلردن مرکب اولمیسی و غربی آوروپایه «رومانیادن» دها یاقین بولمسی کی بعض اسبابدن متولد فرقلر بر طرف ایدیلیرسه اقتصاد زراعی نقطه سندن آره لرنده جالب دقت مشاهدیر کوریلور . مجارستانک مساحه سطحیه سی «خروانتستان» اسقلاوونیایه داخل اولمق اوزره (۳۲،۳۳۳،۰۰۰) هکتاردر . مناطق زراعی اعتباریله عارضه لی

مجموع اراضی مساحت سطحیہ سنہ

اولان (شمال منطقہ سی)؛ دوز اوواذن عبارت اولان (وسط منطقہ سی)؛ بنہ عارضہ لی اولان (جنوب شرقی منطقہ سی)؛ وتماماً طاغلق اولان (شرق منطقہ سی) اولوق اوزرہ درت بویوک منطقہ یہ آیریلیر بونلرک ایچیدہ الک زنکیکی واک مترقیسی اوروپانک الک جسم اووالرندن برنی تشکیل ابدن وسط منطقہ سیدر، ثروت زراعیہ و ترقی اعتباریلہ دہ صرہ سیلہ شمال، وسط، جنوب شرقی و شرق منطقہ لری کلیر، مجارستانک نفوسی (۲۰,۸۰۰,۰۰۰) کیشیہ واصل اولور، صوک ایستانسیقلرہ نظر آتونک تقریباً نصفی مجاردر، نصف دیگر ی کثرت نفوسی صرہ سیلہ آلمان، صرب، روتن، خروات و یهودیدن مرکبدر.

مجارلستانیلہ متکلم اصل مجار و یا مجارلاشمش اہالیکن دیگر اصللردن اولان اہالیہ نسبتلہ آزلنی مجارستانک سیاسیات و اقتصادیاتنہ آیری بررنک اعطا ایدر.

مجارلر چغنی برملندر، کندیلرندہ طوبراق عشقی پک بویوکدر، اہالیستک اوچ ربی خالص مجار اولان وسط منطقہ سندہ بیلہ شہر سکانک یالکزن نصفی مجاردر، صرف مجارلہ مسکون قصبہلر بر بویوک کوی یا خود، چغنی شہریدر، طرزتلبس، معیشت و مشغولیتلری بونی اثبات ایدر، مرغوب و مختار اولان صنعتلری زراعت، عسکرک، مأموریت و سرہست مسالک دنیان آووقاتلق، مہندسلک، دوقورلق الخ در ایوم عالم تجارتدہ عرفاً مجار اولانلر پک آزددر (۱۸۴۸) اختلالدن صکرہ (سرف) یعنی رومانی و روسیہ دہ اولدینی وجہلہ برنوع اسیر حکمندہ اولان کویلولرک اعتاقی اوزرنہ «کوچک اصیلزادکان» صنفی «Petite noblesse» دینلن صنف نسبتاً کوچوک اولان مالکانہلرینک اقسامیلہ دوچار فقر اولمشلر ایسہ دہ چوققلرینی مسالک تجارتہ سوق ایتمکہ تنزل ایتمیشلردر، چونکہ تجارت من القدیم یهودیلرہ لایق حقیر برصنعت اعتبار ایدلشدر، بوتون نظارتلر بالخاصہ زراعت نظارتی ہب کوچوک اصیلزادکان صنفہ منسوب مأمورین ایلہ مالیدر بوحال مجارلرک ذہینتی، کہ قسماً بزمکنہ بکزر، کوستردیکی ایچون شایان قیددر.

مجارستان و قسیلہ بویوک مالکانہلر (لافیفونڈیا) لر (Lafifundia) ملکیتی ایمش بوکون بیلہ اشخاص تصرفدہ اولان اراضیستک (۴۰) ی بویوک اصحاب اراضی یدندہ در، بونلرک عددی اوچ بیکی تجاوز ایتمز.

جدول آتی اراضینک صورت انقشامی حقیدہ بر فکزر ویرہ بیلیر:

نسبتی	ہولہ	بویوک چفتلک
۴۰ ÷	۱۰۰۰ دن یوقاری	اورتہ
۱۴ ÷	۲۰۰ الی ۱۰۰۰	کوچوک
۱۴ ÷	۴۰	پک کوچوک پارچہلر
۳۲ ÷	۴۰	

بر ہولہ یارم ہکتاردن براز فضلہ در، فقط یوارلق حساب ایکی ہولہ برہکتار اعتبار اولنور، کوریلنور کہ ایستانسیقتک اورتہ چفتلک دیدیکی اراضی وسعت اعتباریلہ فرانسنک بویوک و پک بویوک چفتلکری جسامتندہ در، فقط مجار زراعتی فرانسنہ نککنندن چوق متوسع و قیمت ارضدہ اونسبتدہ دون اولدیفندن واردات اعتباریلہ بونلرہ «وسط» صنفی مناسبدر، کوچک چفتلکلردہ فرانسنہ دہ وسط و حق بویوک عد اولہ حق و مستندہ در، ہر حالہ الک اہمیتلی رقم پک بویوک مالکانہلرایلہ پک کوچوک پارچہلرہ عائد اولانلردر، پک بویوکلر میانندہ یوزبیک ہکتارلق (ماستودونت) دینمکہ لایق چفتلکلر آزدکلدر، ایشتہ شوخال رومانی ایلہ مجارستان آرمسندہ بر مشابہت تأسیس ایدر، یالکزن رومانیادہ اورتہ چفتلک اصحابی نسبتاً دہا آز اہمیتی حائزدر، حال بوکہ مجارستاندہ اصول زراعتک اصلاحنہ و ترقیات قبیہنک زراعتہ تطبیقنہ بونلرک پک بویوک تأثیری کورلشدر دینلہ بیلیر کہ بو خصوصہ اورتہ چفتلکلر دیگرلرینہ نمونہلک خدمتی ایفا ایتمیشلردر.

اراضینک قیمتی صوک سنہلردہ پک چوق ترفع ایتمیشدر، بوترفمہ نفوسک و ثروت عمومیہنک ترایدی تأثیر ایتدیکی قدر اسقا، تفجیر، و آچہ، کریمہ... الخ کی پاییلان اصلاحات مختلفہ ارضیہ دخی تأثیر ایتمیشدر، موقعنہ وقوۃ انباتیہ سنہ کورہ برہکتار اراضی ایوم (۱۰۰) فرانلق دن (۲۰۰۰) فرانلق قدر آلنوب صالانندہ در، مجارستان دہ فکر اشتراک یوکسک طبقہلردہ تولد ایتمش و تدریجاً اشاغی طبقہلرہ نفوذ ایلشدر، سکسان سنہ قدر اول بویوک چفتلک صاحبلری زراعتک منافع اقتصادیہنی مدافعہ و ترقیات قبیہ سنہ خدمت مقصدیلہ بر (زراعت جمعیتی) تأسیس ایتمیشلردر، بو جمعیتک غیرت و تشبہی ایلہ (۱۸۶۲) تاریخندہ (برنجی قرہ دی فونسیہ مؤسسہ سی) وجود بولشدر.

اعتبار غیر منقولہ

CRÉDIT IMMOBILIER

جومہ مؤسسہ رومانی قرہ دی فونسیہ سندہ اولدینی کی اشتراک و تعاون مقابل اساسہ متنی در، بدایتدہ یالکزن بویوک مالکانہ صاحبلرینہ مبالغہ کلیہ اراض و ارثان ایتدیکی املاک مقابلندہ

اراضی تھوہلاتی اخراج ایدرکن تدریجاً وسط وحتی کوچک
 انتخاب اراضی به قدر تشمیل معامله ایشدر . بوکون (۲۰۰۰)
 فرانکہ قدر اقراضات یا بمقدہ در . فقط اقراضاتک قسم اعطایی
 (۱۰۰,۰۰۰) فرانکی متجاوز اولدیندن حقیقت حالہ بین الناس
 دینلدیکی وجهه (بوپوک اصحاب اراضی قرہ دی فونسیہ سی) در .
 الیوم پیاسہده (۵۰۰) میلیون وکسور قرونلق تھوہلاتی
 اولوب اصحاب اراضی ذمتده کی اقراضات مطلوباتی یکونی ده
 (۴۰۰) میلیون قرون دن فضلہ در ، بالآخرہ کوچک اصحاب
 اراضی ایچوندہ بونوع قرہ دی به احتیاج حس اولدیندن
 (Crédit foncier National des petits propriétaires) نامیلہ
 و حکومتک معاونت نقدیہ سیلہ دیگر بر مؤسسہ وجودہ
 کتیرلشدر . فقط رومانیادہ اولدینی کی بحارستانده دخی
 کوچکلرہ صرہ دائماً صوکرہ حتی پک صوکرہ گلشدر ،
 بومؤسسہ اراضی ارتمانیلہ (۳۰۰) قرونہ قدر اچہ اقراض
 ایدر . یکون اقراضاتی (۲۰۰) میلیون قرونہ یقیندر ،
 مابعدی وار

ولایات

اطنہ محاربمزدن :

حرب عمومینک ولایتیک حیات اقتصادیسنہ اجزا
 ابتدکی تأثیرلر یاواش یاواش زائل اولبور . محدود برطاقم
 تاجار واصناف اسکینی کی معامله به دوام ایدہ میورسده دیگر
 برطاقم تاجار واردرکه اسکینہ نظراً قات قات فضلہ بر صورتده
 پاره قازانیورلر . ازجلہ زراع بوسنہ پک مهم استفادہ لر تأمین
 ایشلدر . غلای اسعار دولایسیلہ مستحصللر دخی ماللری
 پک انانی فیاتلرلہ صاتمغه موفق اولشلدر . کوچک بوپوک مال
 ستوقلرینہ مالک اولان طوبدن وبراکنده تاجار دخی ماللری
 ایکی اوج مثل فضلہ فیاتلرلہ صاتمغه موفق اولشلدر .
 ذکرمنلرہ ایپک فابریقلری ، صناعی مؤسسہ لر پک بارلاق ایشلر
 یا بمشدر . بونلرک اکثریسی لوزم عسکریه به مخصوص اعمالات
 ایله اشتغال ایشلدر . مواد استهلاک به بالجلہ محارب مملکتلرده
 کوریان فیاتلرہ نسبتلہ اهنوندر . مثلاً الکائی اتلرک اوقه سی سکر
 ویا اون غروشدن فضلہ دکندر . سودک اوقه سی بش غروشه

چیقمه مشدر . ارزاق فیاتلرینک ترغنه مانع اولتی ایچون
 حکومت پک جدی تدبیرلر اتخاذا ایدیور .

اطنہ شهرنده صوک زمانلرہ قدر آلتون ایله کاغد پاره
 اره سنده بوپوک برفرق کوریلہ یوردی . انجق صوک زمانلرده
 جوار ولایتلردن آلتون پاره به پک زیادہ طلب وقوع اولدینی
 جهتلہ کاغد پاره ایله آلتون پاره اره سنده فرق تراید ایشدر .
 اطنہ ولایتده وقوعبولان حبوبات زرعیاتی کچن سنہ به نسبتلہ
 پک فضلہ در . ارباب اختصاص طرفندن وقوعبولان تخمیناته
 نظراً بوسنہ کچن سنہ به نسبتلہ یوزده اوتوز درجه سنده فضلہ
 زرعیات پایلمشدر . احوال «وائی» دخی زرعیات پک مساعد
 جریان ایشدر . پاموق محصولی نسبتاً فیضلی اولمشدر . بوسنہ
 محصول ۳۰,۰۰۰ بالیه بالغ اولمشدر . اولجه ۵۰,۰۰۰ بالیه
 درجه سنده پاموق استحصال اولنه جنی تخمین اولمشسته ده
 بویازده حکمفرما اولان قوراقاق حاصلاتک نقصان قائلہ سنہ
 سبیت ویرمشدر . پاموگک قسم اعظمی اطنہ ایپک و
 منسوجات فابریقلرلرندہ اعمال ایدلمکده در . فابریقلرلر صلح
 زمانندن قات قات زیادہ جالیشیورلر . داخلی فابریقلرک
 معمولاتنه زیادہ رغبت اولنقدہ بالنتیجه بومعمولاتک فیاتلری
 قیاس قبول ایچمک درجه ده فیلامشدر . محاربہ دن
 اول معمولات داخلہ دن بش کیلوق برابلیک پاکتی الی
 غروشه صاتیلرکن بوکون ۳۲۰ غروشه قدر صاتیلیور
 پاموق فیاتلرندہ دخی عینی درجه ده ترغ کوریلیور ، محاربہ دن
 اول پاموگک اوقه سی تخمیناً یالکز ۷ غروشدن عبارت
 ایکن بوکون ۱۹ غروشه صاتیلیور . وبوسایده ذراعک یوزی
 کولمک باشلامشدر .

پاموق فیاتلرندہ کوریان ترغ بالنتیجه پاموق زرعیاتک
 جو ظالیسنہ سبیت ویرمشدر . ایشجیلرک فقدانہ رغماً پاموق
 زرعیاتنه فوق العاده بر کرمی ایله جالیشیلیور .

بضاد شمندوفرینک انشاآتہ دخی کال کرمی ایله دوام
 ارنیور . یقینده اطنہ اوواسنده اروا واسقا عمایاتنه مباشرت
 اولنه جنی حقندہ کی خبرلر یوزاده پک بوپوک برحسن تأثیر
 اجرا ایشدر . اوزون مدتدتری طلب ایدلمکده اولان
 بو عملیاتک نہایت قومدن فعلہ چیقمه جقمه قناعت حاصل اولمش
 و حکومتک بوبابده کی اجرا آتنہ صبر سزقلہ انتظار اولونیور .